



O‘ZBEKISTON RESPUBLIKASI
DAVLAT BOJXONA QO‘MITASI RAISING
BUYRUG‘I

2022 yil “22” iyul

Toshkent shahri

№ 180

**“Коррупциявий хавфларни бошқариш” автоматлаштирилган
ахборот тизимини амалиётга жорий этиш тўғрисида**

Ўзбекистон Республикаси Президентининг 2022 йил 27 апрелдаги ПФ-122-сон Фармони билан тасдиқланган 2022-2023 йилларда божхона расмийлаштирув жараёнларини рақамлаштириш бўйича Йўл харитасининг 21-банди ижросини таъминлаш ҳамда божхона органларида коррупциявий хавфлар юқори бўлган лавозимларни эгаллаб турган ходимлар фаолиятини тизимли равишда мониторинг қилиб бориш мақсадида **буюраман:**

1. Қуйидагилар:

Божхона органларида коррупциявий хавфларни бошқариш тизимини қўллаш тартиби тўғрисидаги йўриқнома 1-иловага;

“Коррупциявий хавфларни бошқариш” автоматлаштирилган ахборот тизимида мезонлар асосида хавф даражалари тоифаларини белгилаш ва мониторинг қилиш методологияси 2-иловага;

“Коррупциявий хавфларни бошқариш” автоматлаштирилган ахборот тизимида мезонлар асосида хавфларни баҳолаш алгоритми 3-иловага;

Божхона органларида коррупция хавф-хатарига дуч келадиган лавозимлар рўйхати 4-иловага мувофиқ тасдиқлансин.

2. “Коррупциявий хавфларни бошқариш” автоматлаштирилган ахборот тизими (кейинги ўринларда – Тизим) 2022 йилнинг 1 августдан бошлаб амалиётга жорий этилсин.

3. Давлат божхона қўмитасининг (кейинги ўринларда – ДБК) марказий аппарати таркибий тузилмалари, Қорақалпоғистон Республикаси, вилоятлар, Тошкент шаҳар бўйича бошқармалари, “Тошкент-АЭРО” ИБК (кейинги ўринларда – ҳудудий бошқармалар), Марказий божхона лабораторияси, Божхона институти бошлиқлари ва Миллий кинология маркази директори:

мазкур буйруқ шахсий таркиб томонидан ўрганиб чиқилиши таъминлансин;

Тизимни такомиллаштириш ва ривожлантириш бўйича асосланган таклифлар ДБҚнинг Шахсий хавфсизлик бошқармасига тақдим этиб борилсин.

4. ДБҚнинг Шахсий хавфсизлик (Б.Шарипов) ва Ахборот-коммуникация технологиялари ва киберхавфсизликни таъминлаш (А.Дусмухамедов) бошқармалари томонидан ДБҚ таркибий тузилмалари тақдим этган таклифлар асосида Тизимни такомиллаштириш чоралари кўриб борилсин.

5. ДБҚнинг Юридик бошқармаси (А.Дўстёров), ҳудудий бошқармалари, Марказий божхона лабораторияси, Божхона институти ва Миллий кинология юридик хизматлари томонидан ушбу буйруқнинг туркумлаштирилган ҳисоби юритилсин.

6. Мазкур буйруқ ижроси таъминланишини ДБҚ Раис ўринбосарларига, Шахсий хавфсизлик (Б.Шарипов) ва Ахборот-коммуникация технологиялари ва киберхавфсизликни таъминлаш (А.Дусмухамедов) бошқармаларига юклаб, умумий назоратни ўз зиммамда қолдираман.

Раис,
божхона хизмати генерал-майори

А.Мавлонов